

ایونینگ گو جری نیو ز بلیٹن مو رخہ 19 اگست 2025

یوہ آکا شوانی جموں ہے محمد سفیر تے نصرت چوہدری تیں خبر سُنو۔

HEADLINES

۱۔ وزیر اعلیٰ عم رعبداللہ نے چسوٹی مانہ بدل پھٹن تیں بعد خطر ناک علاقوں کی نشاندہی واسطے ماہرین کی ٹیم طلب کی ہے۔

۲۔ کشتواڑ مانہ بدل پھٹن سنگ مرل آلاں کی تعداد 64 ہو گئی ہے اس سلسلہ مانہ 6 ویں تہارے وی امدادی تے بچاؤ کاروائی جاری ہے۔

۳۔ جموں کشمیر قومی سط و 25 عشاریہ دو چار فی صد اون کی پیداوار کرن آلو بھارت گو دوجو بڑو خطو بن گیو ہے۔

۴۔ لوک سبھ اسپیکر اوم برلا نے اظہار کیو ہے جے ڈوگری تے کشمیری سمیت بھارتی آئین مانہ شمار تمام 22 زبان پارلیمانی تشریح خدمات مانہ استعمال کی جئیں گی۔

۵۔ چیف سیکرٹری نے پرتھی قوانین مانہ تبدیلی تے پروموشن کمیٹیاں غا کماں نانہ آن لائن کرن ور زور دتو۔

CM NATURAL DISASTERS

وزیر اعلیٰ عمر عبداللہ نے ایس کے آئی سی سی سرینگر مانہ منعقد قومی تعلیمی پالیسی 2020 بارے منعقد تعلیمی کنکلیو گا موقعور ذرائع ابلاغ سنگ گل کرتا واں

کہیو ہے جے قدرتی آفات تیں متاثرہ ہوں آلا غیر مستحکم علاقوں گو معائینو کرن واسطے ماہرین کی ٹیم غی ضرورت ہے وے ان گلاں گو اظہار چسوٹی مانہ ہالیہ بدل پھٹن کی واردات گے پیش نظر کرربیا تھا اُنہاں نے اس موقع ور قدرتی آفات

سنگ نمڑن واسطے تیاری منصوبہ بندی سنگ کرن ور زور دتو وزیر اعلیٰ نے مزید اس طرح کہیو۔

RESCUE OP KISHTWAR

بدل پھٹن تیں متاثر کشتواڑغا چسوٹی گراں مانہ امدادی ت بچاؤ بارے آپریشن جاری ہے ٹیم مسلسل لاپتہ افراد نانہ ٹونڈھن تے متاثرہ خانداناں غی مدد مانہ لگی وی ہے فوج نے 5 امدادی ٹیم غے نال طبی ٹیم ت پاری مشنیری پیجھی بین مقامی لوکاں نے فوج غی کوششاں غی تعریف کی اُنہاں نے اس طرح کہیو۔ بہتر موسم غی وجہ تیں بچاؤ کاروائی مانہ تیزی آئی ہے تے ا ج ایک بور لاش برآمد ہوئی جس تیں بلاکتاں غی تعداد بدھ غے 64 ہو گئی ہے کُل 167 لوکاں نانہ بچایو گیو ہے جد کہ لاپتہ افراد غی فہرست غے مطابق یا تعداد کم ہوئے 39 رہ گئی ہے۔

KAILASH YATRA

کشتواڑ تے ختھوعہ مانہ ہالیہ بدل پھٹن گی واردات نانہ نظر مانہ رکھتا واں ضلع انتظامیہ دوڈہ نے سالانہ کیلاش یاترا ور روک لا دتی ہے اس سلسلہ مانہ ضلع ترقیاتی کمشنر بر ویندر سنگھ نے اعلان کی وے جے صرف رجسٹرڈ پجاری بچنتاری ت دروست شناختی کارڈ آلاں نانہ ہی یاترا گی اجازت دت جے گی یاد رہ جے اس سال خراب موسم گ وجہ تیں کٹھوعہ تے بھلیسہ آلو رہ بند ہے اس سلسلہ مانہ یاتریاں تاکید کی جے جے وے ہدایات گے مطابق انتظامیہ سنگ تعاون کریں تانجے یاترا شفافیت سنگ پوری کی جاسکے اس بارے بولتا واں ڈی سی ڈوڈہ نے اس طرح کہیو۔

J&K WOOL

مال چوکھر پالن گا بنیادی اعدادو شمار غی رپوٹ غے مطابق جموں کشمیر سال 2023-24 مانہ اون گی پیداوار کرن مانہ دوجا نمبر ور ربیو ہے یاد رہ جے جموں کشمیر تے قومی سطح ور اون گی کُل 100 فی صد پیداوار

مانہہ 25عشاریہ 42 فی صد پیداوار کی ہے اس سلسلہ مانہہ راجستھان
45عشاریہ 49 فی صد اون گی پیداوار سنگ قومی سطح ور پہلی ریاست ہے ان گے
علاوہ گجرات مہا راشٹرا تے ہماچل پردیش تیجا چوتھا تے 5واں مقام ور ہیں قابل ذکر
ہے جے مذکورہ ریاستاں نے قومی سطح ور 87عشاریہ 67 فی صد اون گی پیداوار کی
ہے۔ مذکورہ رپوٹ جموں کشمیر مانہہ بھیڈ پالن گی اہمیت نانہہ وی اُجاگر کرن غے نال
نال بھارت گی کپڑاں تے ہتھ کڈی گی صنعتاں نانہہ اون مہیا کراوت تے بھیڈ پالن
جموں کشمیر گا ہزاراں گُنباں گی براوقا وی کراوے۔

PTC ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ
نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی
نامہ نگار غی پوسٹ مانہہ دلچسپی رکھن آلا ایسا اُمیدوار درخواست دے سکیں گا
جھیڈا ضلع جموں گا بسنیک وین تے اُن غی عمر 24 براں تیں 50 براں غے بشکار وے۔
پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا
شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو
صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے
خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار
غی پوسٹ مانہہ دلچسپی رکھن آلا اُمیدوار واسطے لازمی ہے جے ضلع صدر دفتر جموں
یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست
غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی
جموں مانہہ بزات خود

آئیندہ 31 اگست 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔ www.newsonair.gov.in

LANGUAGES

لوک سبھا سپیکر اوم برلا نے ایوان مانہ اظہار کیو ہے جے ایوان گی تشریح خدمات
ہُن بھارتی آئین مانہ شمار سازی زبانان مانہ پیش کی جئیں گی اُنہاں نے دسیو
جے ہُن توڑی یہ خدمات بندی انگریزی تے ڈوگری غے نال نال باقی 18 زبانان مانہ
دستیاب تھیں تے آئندہ اس سلسلہ مانہ کشمیری کوکئی تے سنتلی زبان وی ایوان
گی تشریح خدمات مانہ استعمال کی جئیں گی اسپیکر موصوف نے دسیو جے ان
زبانان گا شمار سنگ ہُن بھارتی آئین گا 8 واں شیڈیول مانہ شمار کُل 22 زبانان مانہ
یہ خدمات دستیاب ہویں گی اس بارے بولتاں واں لوک سبھا سپیکر نے اس طرح
کہیو۔

CS RECRUITMENTS

جموں کشمیر انتظامیہ نے تمام سرکاری محکماں مانہ پرتھی غا قوانین مانہ
تبدیلی تے پروموشن کمیٹیاں گا کماں نانہ آن لائن کرن غو فیصلو کیو ہے چیف
سیکرٹری اٹل ڈولو نے زور دیتا واں کہیو کہ ملازماں تیں جڑیا مسائل نانہ حل کرنو
اُتو ہی ضروری ہے جتنو دیگر انتظامی معاملات کیونجے تاخیر سنگ ملازماں گا
حوصلہ تے کارکردگی وراثر پے اُنہاں نے بی آئی ایس اے جی این نانہ ہدایت
دی کہ ایک آئی ٹی ور مبنی پورٹل تیار کریں تانجے تمام کاروائی شفاف موثر تے
بروقت ہوسکے پی ڈبلیو ڈی گا پرنسپل سیکرٹری غی سربراہی مانہ ایک کمیٹی
اس نظام نانہ نافذ کرن ور کم کرے غی۔ نالے افسراں غی تربیت واسطے پروگرام وی
منعقد کی اجیں گا تانجے نظام موثر شفاف تے ملازمین واسطے دوستانہ بن
سکیں۔

WATER SPORTS

جموں کشمیر مانہ کھیڈاں غی ایک شاندار تقریب شروع ہون جارہی ہے مرکزی
زیر انتظام علاقہ سرینگر مانہ 21 تیں 23 اگست توڑی مشہور ڈل جھیل ور کھیلو
انڈیا واٹر سپورٹس فیسٹیول 2025 غی میزبانی کرے غو تقریباً 300 کھلاڑی کایا کنگ،
کیوننگ تے روونگ جیسا مقابلہ مانہ حصول لیں غا۔ یاہ تقریب جموں کشمیر سپور

کونسل تے وزارت امورا برائے نوجوان غے تحت منعقد ہو ریو ہے جس مانہ سیاحت
ثقافت تے دستکاری وی پیش کی جیں غی۔صوبائی کھیڈ افسر نصرت گزالہ نے اس
بارے اس طرح کہیو۔ اسی دوران واٹر سپورٹس غی کھلاڑی رشمیتا ساہو نے اپنی
شرکت ور خوشی غو اظہار کرتا واں اس طرح کہیو۔

BACCH DUA

روایتی ڈگر تہوار بچہ دُعا جموں خطہ مانہ برا مزہبی جوش و جذبہ تے عقیدت غے
نال منایو گیو بڑی تعداد مانہ ڈگر خواتین جھیلاں تے پانی غے کنڈے ور جمع ہوئی
جے اُنہاں نے مزہبی رسومات ادا کیں تے دعا منگی بچہ دُعا ڈگر برادری غو ایک اہم
لوک تہوار ہے جہرو اس خطہ غی شاندار ثقافتی وراثت ت گہرا خاندانی اقدادنانہ
ظاہر کرے خاص طور ور ماں تے بچاں گ ا مقدس رشتہ نانہ۔آکاشوانی غا خبراں آلا
شعبہ سنگ گل کرتا واں اُنہاں نے اس طرح کہیو۔
